

HILLCREST HIGH SCHOOL  
UKUHLOLWA KWETHRAYELI/AGASTI-SEPTEMBER 2013  
ISIZULU ULIMI LOKUQALA LOKWENGEZELELA  
IBANG A LESHUMINAMBILI(Grade 12)

IPHEPHA LOKUQALA(PAPER 1)  
NON MOTHER TONGUE SPEAKERS ONLY

AMAMAKI:80

ISIKHATHI:2 AMAHORA

IMIYALELO KOHLOLWAYO

- Funda **lonke** iphepha ngaphambi kokuba uphendule imibuzo.
- Phendula **yonke** imibuzo ekuleli phepha.
- Landela yonke imiyalelo njengoba iyinikiwe embuzweni ngamunye.
- Bhala isiZulu esihle nopelomagama olwamukelekile.
- Bhala umsebenzi ohlanzekile.

## ISIQEPHU A

1. Fundisisa indaba bese uphendula imibuzo ngemisho ephelele.

ISOLEZWE, ULWESITHATHU, JULAYI 17, 2013

# Sivuliwe isibhedlela sezingane ePhoyinti



### LUNGI LANGA

**S**IZOBHEKANA nezinkinga zezingane ebezinganakiwe isibhedlela sezingane esisePhoyinti eThekwini, iKZN Children's Hospital.

Lesi sibhedlela esiseduze kolwandle silungiswa kabusha emuva kokuvulwa kwaso ngezikhathi zobandlululo.

Izolo kuvulwe ingxenye yokuqala yalesi sibhedlela esesilungiswe kabusha. UDkt Arthi Ramkissoon ophethe iKZN Children's Hospital Trust uthe lesi sibhedlela sizobhekana nezinkinga zezempilo eziyisipesheli zezingane.

“Okwamanje kuzosebenza amagumbi ambalwa. Ngesonto eledule nje sibone isiguli sethu sokuqala. Siphinde siqeqeshe abantu ezinhlelweni eziyisipesheli okubalwa kuzo ezithinta isifo sofuba,” kusho uDkt Ramkissoon.

Isibhedlela sezingane siqale

ukusebenza ngo-1931 sase sivalwa ngezikhathi zobandlululo ngenxa yokuthi sasinakekela izingane zazo zonke izinhlanga.

UDkt Ramkissoon uthe ngokubona kwabo bazodinga u-R300 million ukwakha kabusha isibhedlela sonke. Okwamanje basasebenzise u-R18 million.

“Sasihlele ukuthi ukwakhiwa kuzoba yizigaba ezinhlanu ezizothatha iminyaka emihlanu. Kodwa kuzoya ngokuthi siyothola kanjani imali yokwakha. Uma kwenzeka ukuthi imali yokwenza izigaba ezintathu siyithola ngesonto elizayo, sizokwakha,” kusho uDkt Ramkissoon.

Uma sekuqediwe ukwakhiwa sizoba ngesesibili kuleli ukuthi sibhekane nokwelapha izingane. Okwamanje iRed Cross Children's Hospital kuseyisona sibhedlela esibhekana nezifo zezingane eziyisipesheli.

Evula lesi sibhedlela, uNgqongqoshe wezeMpilo KwaZulu-Natal, uDkt Sibongiseni

Dhlomo, uthe uma sesiphelile ukwakhiwa sizothula umthwalo ezinye izibhedlela ngoba zizobe zithululela kusona.

Uthe sizobhekana nezifo zezingane okubalwa kuzo isisindo esincane somzimba ne-HIV/Aids.

“Sizokwazi ukunciphisa izigameko zezifo eziningi. Isifundazwe sethu sibe nezigameko ezibalelwa ku-102 037 zofuba ngo-2012. Ezingu-7884 zazo bekuyizingane ezingaphansi kweminyaka emihlanu,” kusho uDhlomo.

Uphinde wethula imitholampio engomahamba ngendlwana engu-22 ezosebenza ezifundeni ezahlukene KwaZulu-Natal.

**UNGQONGQOSHE wezeMpilo, uDkt Sibongiseni Dhlomo, uvule ingxenye yokuqala eseyalidiwe yagadwa esibhedlela sabantwana ngenkululelo intokozo eThekwini izolo**

Isithombe:  
NQOBE MSONAMBI

- 1.1. Ubani igama nesibongo sentatheli ebhale lo mbiko? (2)
- 1.2. Uphume kuliphi iphephandaba lo mbiko? (1)
- 1.3. Yini igama lesibhedlela sezingane esisanda kuvulwa eThekwini? (1)
- 1.4. Unasikhundla(position)sini udokotela Arthi Ramkissoo kulesi sibhedlela? (1)
- 1.5. Sasiqale ngamuphi unyaka ukusebenza lesi sibhedlela? (1)
- 1.6. Sizathu sini esenza lesi sibhedlela sivalwe? (2)
- 1.7. Kuzodinga malini ukwakha kabusha lesi sibhedlela? (1)
- 1.8. Yini igama lesibhedlela sezingane ekade saba khona lapha eMzansi? (1)
- 1.9. Uma isibhedlela saqala ukusebenza ngo 1931, sineminyaka emingaki manje?  
Kukhombise ngesibalo lokhu. (3)
- 1.10. Ubani igama nesibongo somuntu ovule lesi sibhedlela? (2)
- 1.11. Lesi sibhedlela esisha sizokwelaphani? (1)
- 1.12. Phendula ngokuthi **YIQINISO** noma **YIPHUTHA**
- 1.12.1. IPhoyinti iseThekwini ngasolwandle. (1)
- 1.12.2. Kudingeka izigidi ezingamakhulu amathathu ukwakha lesi sibhedlela. (1)
- 1.12.3. IRed Cross childrens hospital isesifundazweni saseLimpopo. (1)
- 1.12.4. UDr. Sibongiseni Dhlomo unguNgqongqoshe wezolimo kwaZulu -Natali. (1)

[20]

2. Bukisisa lesi sikhangiso bese uphendula imibuzo ngemisho ephelele.

Woza uzohlangenyela nathi ukubungaza iminyaka engu-95 kwazalwa ingqalabutho yesizwe uTata uNelson Mandela.

**Thola ithikithi lakho ukuyobuka iqembu lebhola AmaZulu itholana phezulu neqembu laseNgilandi iManchester City.**

**18 Julayi 2013, Moses Mabhida Stadium**  
**20:00 (amasango avula ngo-17:00)**

Amathikithi atholakala ezitolo zakwaComputicket kuzwelonke ngo-R95; R250 nango-R350  
Ngeminye iminingwane vakashela ku-[www.computicket.co.za](http://www.computicket.co.za)  
Mavelana namagumbi abakhethekileyo vakashela ku-[www.warwickhospitality.co.za](http://www.warwickhospitality.co.za)

**ASIBUNGAZE USUKU LUKA-MADIBA!**

- 2.1. Isikhangiso sani lesi ? (1)  
 2.2. Yini inhloso (aim) yokudlala lo mdlalo? (2)  
 2.3. Yimaphi amaqembu azodlala ngokwalesi sikhangiso? Bhala ngokugcwele(full). (2)  
 2.4. Iqembu IM.C.F.C lingelakuliphi izwe? (1)  
 2.5. Lo mdlalo uzobe uzodlalela kusiphi isifundazwe(province) (1)  
 2.6. Amathikithi alo mdlalo atholakalaphi? (1)  
 2.7. Liyimalini ithikithi elibiza kunawo wonke? (1)  
 2.8. Usuku lomhla ziyi-18 lubizwa ngani emhlabeni wonke jikelele? (1)  
 2.9. Kungani lolu suku lomhla ziyi-18 kuJulayi lubizwa kanjengoba ushilo ku 2.8.? (2)  
 2.10. Umdlalo uzoqala ngasikhathisini? Bhala isikhathi ngesiZulu (2)  
 2.11. Lithini ikheli le-imeyili emayelana namagumbi akhethekile? (1)  
 [15]

### ISIQEPHU B: UKUFINGQA

3. Fundisisa le ndaba engezansi bese uyifingqa ngamagama akho angama-30.

## Umfundi (8) upitshizwe yiloli likamoba washona

### NQOBIZIZWE ZWANE

SIVULWE ngezinyembezi isikole samabanga aphantsi iMhlathuze Primary endaweni yaseMabuyeni, eSikhawini, ngesikhathi umfundi wakulesi sikole egandaywa yiloli elithutha umoba emva kokuzama ukuwuhosha.

Kulesi sigameko esishiye umphakathi wakule ndawo uthuthumela kushone uKhanyisile Mthembu (8) obefunda uGrade 1 eMhlathuze Primary okuvela ukuthi upitshizwe amasondo anane eloli elithutha umoba.

UKhanyisile kuthiwa ubezama ukuhoshha umoba kuleli loli elidume ngohomu ehamba nabangani bakhe kodwa yena wadonswa umoya wangena ngaphansi kwalo wase epitshizeka ngenxa yendlela ebelihamba ngaye.

Abazibonela isidumbu sikaKhanyisile bathi amehlo namathumbu bekungaphandle, eqhume nekhandla ubuchopho busaphazeke emhlabathini.

*Isolezwe* lifika endaweni yesehlakalo lizithela phezu kwenzwaba yabantu ebime izixongololo ibabaza indlela

enesihluku ashone ngayo uKhanyisile.

Leli phephandaba lizibonele kucoshwa izingcucu zekhandla likamufi okuthungathwe esikhotheni esiseduze komgwaqo owubhuqu.

Okukhalisa amalungu omphakathi kakhulu wukuthi lo mkhuba wokuhoshha umoba kula maloli kudlangile futhi kukhonzwe yizingane ezisencane.

Endlini obekuhleli kuyo unina kamufi isililo besiqhuma phezulu ezwakala ebalisa ngengane yakhe ngesikhathi echazela okwenzekile amalungu omndeni nomphakathi abezomduzuza.

Umshayeli weloli wavinjwa wumphakathi eseseDephu, okuyindawo engamakhilomitha ayisikhombisa ukukalekisa, kuthiwa wathuka ngesikhathi etshelwa ukuthi iloli lakhe libulele ingane ebukeya njengomuntu okwakuduma upotiyane kuye.

*Isolezwe* lithole ukuthi ubenqikaza ngisho ukuya endaweni yesehlakalo ezitshela ukuthi umphakathi uzomjezisa kodwa wacina ezidele amathambo wanikela khona.

Okhulumela amaphoyisa KwaZulu-Natal, uCaptain Thulani Zwane usiqinisekise lesi sigameko.

### ISIQEPHU C: uhlelo

4. Tomula ibizo elilodwa endabeni **ekusiqephu A,1** elikulesi sigaba bese ulisebenzisa emshweni wakho. Umusho ube namagama amahlanu futhi unghambisani nendaba.
- 4.1. isigaba 6 (2)  
4.2. isigaba 7 (2)  
4.3. isigaba 9 (2)  
4.4. isigaba 3 (2)  
[8]
5. Sebenzisa lezi ziqu zesichasiso emishweni yakho.
- 5.1. –thathu (1)  
5.2. –enu (1)  
5.3. –qotho (1)  
5.4. -dala (1)  
[4]
6. Phinda ubhale phansi le misho elandelayo kodwa umusho uwuqale ngegama elidwetshelwe.
- 6.1. UBhekani wayephupha amaphupho amabi ngoyise. (1)  
6.2. Indodana endala iqoba inyama. (1)  
6.3. Izingane zesikolezikhuluma izindaba (1)  
[3]
7. Funda isiqephu esilandelayo bese ulungisa amaphutha emagameni abhalwe ngokunzima  
Iningi labantu liyathanda ukuvakashela **7.1.ebeach**. Basuke befuna **7.2.ukuyoswima**, **7.3.ngakhoke** bagqoka izimpahla ezifanelekile. **7.4.Lezizingubo** ngokuvama zijwayele ukuveza umzimba. [4]

### ISIQEPHU D: ukusetshenziswa kolimi

8. Qedela le misho ngezenzukuthi ezifanele. Khetha kulezi: qwa, bhuqe, cwe
- 8.1. Kwaphela ugesi kwaba mnyama..... (1)  
8.2. Izihlahla ziba luhlaza..... ehlobo (1)  
8.3. Ebusika liyakhithika izintaba zibe mhlophe..... (1)  
[3]
9. Bhala imisho emibili ngebizo ngalinye ukuze kuvele izincazelo zalo ezahlukene.
- 9.1. inyanga (2)  
9.2. ithanga (2)  
9.3. abathakathi (2)  
[6]
10. Abakwabani esibathakazela sithi:
- 10.1. Msholozhi (1)  
10.2. Mabhodla (1)  
10.3. Khabazela (1)[3]

11. Bhala igama elilodwa esikhundleni salawo adwetshelwe emshweni.

- 11.1. UMbambo welapha abantu ngamakhambi esintu. (1)  
11.2. UZanele akasenabo abazali. (1)  
11.3. Udadewabo kababa wami uyangithanda. (1)  
11.4. Le ngane iyona yodwa ingane kubo. (1)  
[4]

**ISAMBA SESISONKE: 80**